

sit Milevitana, ab Episcopo suo, venerabili fratre meo, Severo, qui tuam mecum sincerissimam Dilectionem multum salutatur, per Hipponem regium, ubi ego sum, transire jussus est: quia, cum forte simul essemus in magnis Ecclesiae tribulationibus & perturbationibus, quaerebamus occasionem scribendi ad Eximietatem tuam, & non inveniebamus.

644.  
\* Al. misericordiam  
\* Al. consulatur

Jam quidem unam epistolam miseram in negotio sancti fratris & collegae mei, Bonifacii, Episcopi Cataquensis: sed nondum ad nos pervenerant graviora, quae nos vehementius agitent; quibus comprimendis vel corrigendis quemadmodum meliore, secundum Christi <sup>\*viam, consilio</sup> <sup>\*succurratur, commodius</sup> Episcopi, qui propterea navigaverunt, cum tanta benignitate tui cordis acturi sunt, qui potuerunt communi consilio diligentius deliberatum aliquid ferre, quantum temporis permittebat angustia. Illud tamen, quo animum elementissimi & religiosissimi Principis erga Ecclesiam provincia noverit, nullo modo esse differendum; sed etiam antequam Episcopos, qui profecti sunt, videas, quam primum tua praestantissima pro Christi membris in tribulatione maxima constitutis vigilantia potuerit, accelerandum suggero, peto, obsecro, flagito. Neque enim parvum in his malis solatium Dominus obtulit, quod te voluit multo amplius posse, quam poteras, quando jam de tuis multis ac magnis operibus bonis gaudebamus.

\* f. pluriū

Multum sane de quorundam, neque paucorum, fide firma & stabili gratulamur, qui ex occasione legum ipsarum ad Christianam religionem, vel catholicam pacem, conversi sunt, pro quorum salute sempiterna nos in hac temporali etiam periclitari delectat: propterea enim maxime ab hominibus nimium dureque perversis nunc inimicitiarum graviores impetus sustinemus, quos nonnulli eorum nobiscum patientissime sustinent: sed <sup>\*plurimum</sup> infirmitati metuimus, donec discant & valeant, adjuvante misericordissima gratia Domini, seculum praesens & hominum diem robore cordis valentiore contemnere. Communitorium, quod misi fratribus Episcopis, si, ut puto, nondum ibi sunt, ab Eximietate tua illis tradatur, cum venerint. Tantam quippe tui sincerissimi pectoris habemus fiduciam, ut, adjuvante Domino Deo nostro, non solum impertitorem auxilii te velimus, verum etiam consilii participem.

## EPIST. CXXX.

Augustinus Cirtenfibus, à factione Donatistarum conversis ad Ecclesiae catholicae societatem, gratulatur; admonens, ut ex animo faciant, quod faciunt, & in eo persistent.

Doni-